



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs I. Beatus vir qui non abiit in consilio impiorum.

**urn:nbn:de:hbz:466:1-44993**

PSALMORVM

LIBER I.

PSALMVS I.

Beatus vir qui non abiit in consilio impiorum.  
SAPIENTISSIMAE VITAE  
INSTITVTIO.

*Ode Dicolos Distrophos.*



NON qui consilio malo  
Aut decretà volens impia suscipit,  
Aut qui mille nocens vias  
Infitit scelerum, criminis ac doli;  
Nec qui simplicium vaser

Derisor cathedris confidet inuidis:  
Ast ille innumeris modis  
Felix, multiplici & sorte beator,  
3 Quisquis perpetuos dies,  
Et noctes vigiles, grataque tempora,  
Et mente & studio frequens  
Impendit monitis, legibus ac Dei.  
3 Ille (est quale oleæ genus,)  
Vt stirps ad placidi consita fluminis  
Ripas, quam vitreus petit  
Permixa & saturat temperie liquor;  
Hæc spes agricolæ bonas  
Explet baccifero vota que munere:  
Quam nec destituit decor,  
Nec vestis foliis densa virentibus;  
Quamuis aura nivalibus  
Ventis vel feriat flammiferis nemus.  
Hæc quos flore nitens nouo  
Fructus pollicita est, prospera confouet,  
Autumnoque refert suo,  
Maturisque probat viribus integros.  
4 Contra sed genus improbum  
Infestis agitur perpetuo malis:  
Magno vt turbinis impetu  
Gluma impulsã vagum permeat æthera,  
Nusquam & docta quiescere,  
Terris præcipiti concutitur fuga.

B 3

Ergo

- 5 Ergo nulla vel impios  
Iura admota fouent, vel ratio iuuat;  
Quin causę penitus graui  
Succumbant stabili iudicio Dei:  
Nec quos inficiet scelus,  
Iustorum excipiet consilium virum:  
6 Namque horum faciliem viam  
Rex Diuim placido numine comprobat:  
Illum at callibus auis  
Errantem exitum peruoluit gregem.

## PSALMVS II.

Quare fremuerunt Gentes.

## DIVINI CONSILII PRAESTANTIA.

*Ode Dicolos Distrophos.*

- 1 Quid iste gentium tumultus omnium,  
Manuque pacta fœdera,  
Cui tanta mundus extrahit pericula?  
Cui tendit immanes minas?  
2 Terręque iuncta conferunt negotia  
Cum regibus simul duces,  
Omnes vt alta cœpta dissipent, sacri  
Vnctumque deturbent Dei.  
3 Rumpamus arcta vincula & graue impes  
Age, heus, repellamus iugum;  
Et colla reges atque gentes libera  
Speris feramus legibus.  
4 Ast, qui poli patentis alto culmine  
Astrisque rector infidet,  
Curam inquietam & insolentes impetus  
Aususque ridens despicit:  
5 Verbisque promptus intonabit acribus  
Queis corda dura concutit,  
Et queis furentes frangit ille spiritus  
Terrore percussos graui:  
6 Vltro ipse Regem quippe quem dedi mentem  
Certo probatum numine,  
Alani Sionis arce summa iusseram  
Tenere sceptris regia.  
7 Iam sancta magni iura proponam Patris,  
Qui me benignus vixerat:  
Sic fatus IAS, gratus es mi filius  
Productus hoc nouo die,  
Dic perennis lucis vsque compote  
Præsens mihi qui permanet;